



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTOV 0027961 25
Sarajevo, 10.02.2026. godine

SUD BOSNE I HERCEGOVINE
Sudiji za prethodno saslušanje
S A R A J E V O

Na osnovu člana 35. stav 1. i 2. tačke i), te člana 226. i 227. Zakona o krivičnom postupku Bosne i Hercegovine, p o d i ž e m:

OPTUŽNICU

PROTIV:

ORAŠANIN OGNJENA, zvani „Oras“, rođen 1978. godine u Sokocu, državljanin Bosne i Hercegovine.

Što je:

1. U vremenskom periodu od početka 2020. godine do kraja 2021. godine, na teritoriji Bosne i Hercegovine, Crne Gore, Republike Srbije, Republike Hrvatske i Kraljevine Belgije, svjestan da se radi o opojnoj drogi, kao i da nema odobrenje nadležnog organa za nabavku, kupovinu, držanje i prodaju opojne droge „Kokain“, a koja se nalazi na Listi opojnih droga, psihotropnih materija i biljaka iz kojih se može dobiti opojna droga i prekursora, suprotno Zakonu o sprečavanju i suzbijanju zloupotrebe opojnih droga („Službeni glasnik Bosne i Hercegovine“, broj: 08/06, 103/08 i 51/11), Konvenciji o psihopatskim supstancama iz 1971. godine i Konvenciji UN protiv nezakonitog prometa opojnih droga i psihotropnih supstanci iz 1988. godine, čiji je promet zabranjen i može se obavljati samo na osnovu dozvole nadležnog organa izdate na osnovu Zakona o sprečavanju i suzbijanju zloupotreba opojnih droga, koju dozvolu nije imao, pa iako svjestan zabranjenosti radnji prometa ovom opojnom drogom i svjestan svog djelovanja, htijući to, u zajedničkoj namjeri sticanja protivpravne imovinske koristi, kao korisnik SkyEcc korisničkih kodova ..., zajedno sa „(...)“ korisnik SkyEcc korisničkog koda ... i „(...)“ korisnik SkyEcc

korisničkog koda ..., a koji su na međunarodnom nivou djelovali u sastavu kriminalne organizacije tzv. „Škaljarskog klana“, organizovao grupu za organizovani kriminal, u smislu člana 1. stav (22) Krivičnog zakona Bosne i Hercegovine, koja je s podijeljenim ulogama organizatora u rukovođenju i organizaciji iste djelovala s ciljem izvršenja krivičnih djela „Neovlašteni promet opojnim drogama“ iz člana 195. stav 1. Krivičnog zakona Bosne i Hercegovine, na način da je zajedno sa suorganizatorima, u naznačenom vremenskom periodu, međusobnim povezivanjem, kao i povezivanjem sa pripadnicima drugih kriminalnih grupa koje su djelovale s ciljem neovlaštenog prometa opojnim drogama, u komunikacijama koje su vodili putem telefonskih aparata tzv. „Kripta“, sa instaliranom kriptovanom aplikacijom „SkyEcc“, kao i drugim aplikacijama kojima se komunikacija ostvaruje putem interneta, vjerujući da će preko navedenih sredstava komunikacije neopaženo istrajati i činiti krivična djela, nakon što bi suorganizatori „(...)“ i „(...)“ izvršili kupovinu veće količine opojne droge „Kokain“ na teritoriji zemalja Južne Amerike, te organizovali njen međunarodni brodski transport u zemlje Europske Unije, preko luke u Antverpenu - Kraljevina Belgija, te dijelom ovu opojnu drogu prevezli na teritorij Republike Srbije, radi dalje prodaje dijela transportovane opojne droge u Bosni i Hercegovini i Republici Hrvatskoj, organizirao cestovni prevoz opojne droge preko međudržavnih granica, njeno skrivanje i držanje, pronalazke kupaca i preprodavaca ove opojne droge u Bosni i Hercegovini i Republici Hrvatskoj, čiji pripadnici su sa različitim ulogama i zadacima postali „(...)“ i „(...)“ kao korisnici SkyEcc korisničkog koda ..., te druga njima poznata lica, koji su po njegovom angažmanu i datim uputama imali zadatke preuzimanja opojne droge u Kraljevini Belgiji, njenog skirvanja u TMV i cestovnog transporta sa teritorije Kraljevine Belgije, na teritorij Republike Hrvatske i Bosne i Hercegovine, te predaje ove opojne droge drugim pripadnicima Grupe, među kojima pripadniku „(...)“ korisnik SkyEcc korisničkog koda ... i „(...)“ koji su imao zadatke preuzimanja opojne droge na području grada Zagreba u Republici Hrvatskoj i njene dalje preprodaje u R Hrvatskoj i šire, te pripadnicima koje je kao organizator angažovao kako bi za njega preuzimali opojnu drogu na teritoriji Bosne i Hercegovine i po njegovim uputama je skrivali na lokacijama na širem području općine Sokolac, a potom istu po njegovim datim uputama predavali pripadniku „(...)“ korisnik SkyEcc korisničkih kodova ... i drugim njemu poznatim pripadnicima, koji su kao pripadnici imali zadatke preprodaje opojne droge „Kokain“ na teritoriji Bosne i Hercegovine i šire, na koji način je neovlašteno prometovao u količini od najmanje 21 kg opojne droge „Kokain“ te tako pribavio protivpravnu imovinska korist u iznosu od najmanje 696.500,00 Eura (u protivvrijednosti 1.393.000,00 KM), da bi tako nezakonito stečeni novac držao, koristio i istim raspolagao, kao i koristeći svoje bliže srodnike i njemu bliska lica, stavljao u legalne tokove, kupujući pokretnu i nepokretnu imovinu, te na taj način prikrivajući prirodu nezakonito stečene imovine, pa je tako u najmanje opisanim događajima:

1.1. Orašarin Ognjen zajedno sa „(...)“, „(...)“, „(...)“, „(...)“ i „(...)“

U vremenskom periodu od 23.06.2020. godine do 03.07.2020. godine, na teritoriji Republike Srbije i Bosne i Hercegovine, radi dalje preprodaje u Bosni i Hercegovini, neovlašteno prometovao sa 3 kg

opojne droge „Kokain“, na način da je sa suorganizatorom „(...)“ dogovorio kupoprodaju najmanje 3 kg opojne droge „Kokain“, po cijeni od 30.500,00 Eura po jednom kilogramu, a koji je navedenu količinu opojne droge nakon njenog transporta iz Južne Amerike u Kraljevinu Belgiju, na njemu poznat način transportovao na teritorij Republike Srbije, a potom za predaju dogovorene kupoprodajne cijene angažirao „(...)“, koji je vozilom marke Peugeot, model 308, registarskih oznaka ... otišao u Beograd, te po njegovim uputama, dana 29.06.2020. godine oko 15:00 sati, na njemu poznatom mjestu u Beogradu, licu koje je poslao suorganizator „(...)“ predao novac u iznosu od 92.000,00 Eura, nakon čega je posredstvom lica „(...)“, angažirao lica „(...)“, „(...)“ i „(...)“, da bi dana 02.07.2020. godine angažirano lice „(...)“ vozilom marke „Seat“, model „Leon“, bijele boje, registarskih oznaka ..., a istog dana i „(...)“ vozilom marke „Audi“, model „A4“, registarskih oznaka ... sa namjenski napravljenim prostorom za krijumčarenje opojnih droga (tzv. „štek“), došli u Beograd, te zamjenili navedena vozila, nakon čega je „(...)“ otišao na adresu ..., gdje je istog dana oko 09:00 sati, od njemu nepoznatog lica koje je poslao suorganizator „(...)“ preuzeo najlonsku vrećicu u kojoj su se nalazila dva pakovanja opojne droge „Kokain“ mase 2 kg, te se odvezao na njemu poznatu lokaciju na području Beograda, gdje ga je čekao „(...)“ sa automobilom marke Audi model A4, registarskih oznaka ..., kome je predao opojnu drogu „Kokain“, a koju je „(...)“ sakrio u „štek“ prostor unutar automobila, nakon čega su odvojeno navedenim vozilima ušli na teritoriju Bosne i Hercegovine i to „(...)“ vozilom Audi A4, a „(...)“ vozilom marke Seat Leon, da bi se po prethodnom dogovoru, „(...)“ istog dana vozilom Audi A4, u kome je bilo skriveno 2 kg opojne droge „Kokain“, odvezao u mjesto Han Kram, općina Han Pjesak, gdje je oko 14:30 sati, opojnu drogu „Kokain“ predao licu koje je angažirao, a koje je po njegovim uputama na mjesto primopredaje opojne droge došlo sa vozilom marke Škoda Octavia, sive boje, da bi dana 03.07.2020. godine NN lice koje je prethodno angažovao na istoj adresi preuzelo preostalu količinu od 1 kg kupljene opojne droge „Kokain“.

1.2. Orašanin Ognjen zajedno sa „(...)“, „(...)“, „(...)“, „(...)“ i njima poznatim licima

U periodu od 26.11.2020. godine do 22.01.2021. godine, na teritoriji Belgije, Hrvatske i Bosne i Hercegovine neovlašteno prometovao sa najmanje 10 kg opojne droge „Kokain“ na način da je sa suorganizatorom „(...)“ dogovorio kupoprodaju 10 kg opojne droge „Kokain“, koji je navedenu količinu opojne droge nabavio na području Brazila i na njemu poznat način organizirao transport na područje Antverpena, Kraljevina Belgija, da bi dana 13.01.2021. godine, nakon što ga je suorganizator „(...)“, obavijestio da je opojna droga transportovana, u dogovoru sa njemu poznatim licem koje koristi SkyEcc aplikaciju korisničkog koda ..., angažirao pripadnike „(...)“ i „(...)“ za prevoz droge iz Kraljevine Belgije na teritorij Republike Hrvatske i Bosne i Hercegovine, koji su postupajući po njegovim uputama nalogu, dana 20.01.2021. godine, teretnim vozilom marke „Mercedes“, model „Vito“, bijele boje, registarskih oznaka ... došli u Belgiju, gdje su dana 20.01.2021. godine, na prethodno dogovorenoj adresi ... Antwerp, od lica kojeg je angažovao suoorganizator „(...)“, preuzeli 10 pakovanja opojne droge „Kokain“ ukupne količine 10 kilograma, na kojim pakovanjima se nalazio logo proizvođača sportske opreme ... i silueta domaće životinje krava, te opojnu drogu utovarili u posebno napravljen skriveni prostor unutar vozila, namjenski napravljen za transport opojnih droga

(tzv. „štek“) i sa priključnim vozilom prikolicom, na kojoj je vršen prevoz putničkog vozila marke „VW“, model „Golf 5“, plave boje, istu prevezli na teritorij Republike Hrvatske, te dana 22.01.2021. godine, oko 08:00 sati, na području grada Zagreba, na parking prostoru Tržnog centra ..., u mjestu Jankomir, po njegovim uputama 1 kg prevezene opojne droge predali licu koje je na tu lokaciju poslao pripadnik „(...)“, te istovremeno od istog preuzeli iznos od 35.000,00 Eura, nakon čega su se preko Hrvatske uputili prema Bosni i Hercegovini, te su na području Rogatice istog dana oko 20:20 sati njemu ili licima koje je angažirao za preuzimanje iste, predali 9 kg opojne droge „Kokain“ i iznos od 35.000,00 Eura od prodaje 1 kg opojne droge „Kokain“ u Zagrebu.

1.3. Orašanin Ognjen zajedno sa „(...)“, „(...)“, „(...)“, „(...)“, „(...)“ i njima poznatim licima

U periodu od 25.01.2021. godine do 23.02.2021. godine, na teritoriji Belgije, Hrvatske i Bosne i Hercegovine neovlašteno prometovao sa najmanje 5 kg opojne droge „Kokain“, na način da je sa suorganizatorom „(...)“ dogovorio kupoprodaju 5 kg opojne droge „Kokain“ u Antverpenu, Kraljevina Belgija, po cijeni od 28.000,00 Eura za 1 kg opojne droge „Kokain“, nakon čega je angažirao pripadnike „(...)“ i „(...)“ radi transporta opojne droge „Kokain“ iz Belgije u Hrvatsku i Bosnu i Hercegovinu, koji su se po njegovim uputama dana 20.02.2021. godine odvezli iz Republike Crne Gore u Antwerpen, Kraljevina Belgija, da bi dana 22.02.2021. godine oko 09:00 sati, na prethodno dogovorenoj adresi ... u Antverpenu od njima poznatog lica kojeg je angažirao suorganizator „(...)“ preuzeli 5 kg opojne droge „Kokain“ koju su utovarili u posebno napravljen skriveni prostor unutar vozila Mercedes model "Vito", bijele boje, registarskih oznaka ..., istu prevezli na teritorij R Hrvatske, te dana 23.02.2021. godine na području grada Zagreba, na parking prostoru Tržnog centra ..., u mjestu Jankomir, po njegovim uputama 1 kg prevezene opojne droge predali licu koje je pripadnik „(...)“ poslao na tu lokaciju u dogovoru sa „(...)“ korisnik SkyEcc koda ..., a potom se uputili u Bosnu i Hercegovinu i istog dana oko 19:30 sati na području Rogatice njemu ili licima koje je angažirao za preuzimanje iste predali 4 kg opojne droge „Kokain“.

1.4. Orašanin Ognjen zajedno sa „(...)“ i drugim njima poznatim licima

U periodu od 13.11.2020. godine do 10.01.2021. godine, s ciljem dalje preprodaje opojne droge na teritoriji Bosne i Hercegovine, neovlašteno prometovao sa najmanje 1 kg opojne droge „Kokain“, koja droga je prethodno djelovanjem grupe iz Južne Amerike prevezena na teritorij Bosne i Hercegovine, na način da je po ostvarenim kontaktima sa pripadnikom „(...)“ korisnikom SkyEcc koda ... dogovorio prodaju 1 kg opojne droge „Kokain“, na kojem pakovanju se nalazio logo proizvođača vozila ..., sa rokom otplate od mjesec dana od preuzimanja opojne droge, pa je dana 24.11.2020. godine u ranim jutarnjim satima, na području općine Sokolac sam ili je to po njegovim uputama učinio njemu poznati pripadnik Grupe, predao 1 kg opojne droge „Kokain“ pripadniku „(...)“, kojom prilikom je istom „(...)“ predao novac u iznosu od 7.000,00 Eura, na ime prethodnog duga, a potom u tri navrata i ostatak novca po osnovu kupoprodaje ove opojne droge „Kokain“, i to dana 25.12.2020. godine iznos od 15.000,00

Eura, dana 06.01.2021. godine iznos od 13.800,00 Eura i dana 10.01.2021. godine iznos od 8.200,00 Eura.

1.5. Orašanin Ognjen zajedno sa „(...)“, „(...)“ i njima poznatim licem

Dana 26.01.2021. godine, s ciljem dalje preprodaje opojne droge na teritoriji Bosne i Hercegovine, prometovao sa najmanje 1 kg opojne droge „Kokain“, koja droga je prethodno djelovanjem grupe iz Južne Amerike prevezena na teritorij Bosne i Hercegovine, na način da je po ostvarenim kontaktima sa pripadnikom „(...)“ kao korisnikom SkyEcc koda ... dogovorio način, vrijeme i mjesto preprodaje 1 kg opojne droge „Kokain“ za iznos od 35.000,00 Eura, nakon čega je pripadnik „(...)“, angažavo lice „(...)“, korisnik SkyEcc koda ..., koji je dana 27.01.2021. godine u ranim jutarnjim satima u Sarajevu od njima poznatog kupca korisnik SkyEcc koda ... preuzeo iznos od 36.000,00 Eura, nakon čega je za sebe odvojio novac od 1.000,00 Eura, a zatim se vozilom marke Fiat Grande Punto registarskih oznaka ..., crne boje, odvezao na prethodno dogovoreno mjesto u neposrednoj blizini crkve na Ravnoj Romaniji, općina Sokolac gdje je pripadniku Grupe kojeg je angažovao Orašanin Ognjen predao iznos od 35.000,00 Eura i preuzeo 1 kg opojne droge „Kokain“, na čijem se pakovanju nalazio logo proizvođača sportske opreme ..., vratio se u Sarajevo i istog dana u jutarnjim satima, u neposrednoj blizini tržnog centra ... Sarajevo, u ulici ... općina Centar Sarajevo, kupcu-korisniku SkyEcc koda ... predao 1 kg opojne droge „Kokain“.

1.6. Orašanin Ognjen zajedno sa „(...)“, „(...)“ i njima poznatim licem

U vremenskom periodu od 02.02.2021. godine do 04.03.2021. godine, neovlašteno prometovali sa najmanje 1 kg opojne droge „Kokain“, koja droga je prethodno djelovanjem grupe iz Južne Amerike prevezena na teritorij Bosne i Hercegovine, na način da je dogovorio sa pripadnikom „(...)“ kupoprodaju 1 kg opojne droge „Kokain“, nakon čega ga je posredstvom pripadnika „(...)“, dana 02.03.2021. godine putem mobilnog telefona sa instaliranom SkyEcc aplikacijom stupio u kontakt sa kupcem „(...)“ korisnikom Sky Ecc korisničkog koda ... stupio i dogovorio prodaju 1 kg opojne droge „Kokain“ po cijeni od 35.000,00 Eura, pa je „(...)“ sa njemu poznatim licem koristeći putnički automobil marke Audi A3 crvene boje, registarskih oznaka ... dana 03.03.2021. godine oko 21:43 sati, u mjestu Ravna Romanija, općina Sokolac, na parking prostoru ..., od lica koje je angažirao preuzeo 1 kilogram opojne droge „Kokain“ i predao iznos od 35.000,00 eura.

2. Orašanin Ognjen - sam

U vremenskom periodu od 21.02.2020. godine do 07.03.2020. godine u više navrata ostvario komunikaciju sa „(...)“ koji je koristio mobilni telefon sa instaliranom aplikacijom SkyEcc korisničkog koda ..., te na njemu poznatim lokacijama na području općine Sokolac skrivao „(...)“ sa ciljem izbjegavanja njegovog krivičnog progona, htijući to i znajući da je za „(...)“ od strane pravosudnih

organa Republike Crne Gore raspisana potjernica zbog krivičnog djela ubistvo koje je počinjeno dana ... 2020. godine u Herceg Novom, Republika Crna Gora na štetu „(...)“, te nakon što je u Pododjeljenju za lična dokumenta Javnog registra Vlade Brčko Distrikta dana ... 2020. godine njima poznato lice predalo zahtjev za izdavanje putne isprave Bosne i Hercegovine na ime „(...)“ ..., „(...)“ osigurao prevoz na područje Brčkog, nakon čega je dana ... 2020. godine „(...)“ u Pododjeljenju za lična dokumenta Javnog registra Vlade Brčko Distrikta preuzeo putnu ispravu Bosne i Hercegovine broj ... koja glasi na ime „(...)“, kojom ispravom je dana 07.03.2020. godine u 18:43 sati otputovao u Istanbul, Republika Turska preko Međunarodnog aerodroma Sarajevo.

3. Orašanin Ognjen - sam

U periodu od početka 2020. godine do kraja 2021. godine, u namjeri prikrivanja stvarne prirode i porijekla novca koji je stekao kao protivpravnu imovinsku korist iz učinjenja krivičnog djela Organizirani kriminal iz člana 250. stav 3. KZ BiH, u vezi sa krivičnim djelom Neovlašteni promet opojnim drogama iz člana 195. stav 1. KZ BiH opisanih u tačkama ove Optužnice, novac u gotovini koji je stekao na navedeni način primao, koristio i držao u svom posjedu, a zatim njime raspolagao na način da ga je koristio za kupovinu pokretnih stvari i nekretnina i to preko svojih bližih srodnika i njemu bliskih lica, iako je bio svjestan i znao da se radi o novcu koji je stekao učinjenjem krivičnih djela na opisani način, pa je tako stečenim novcem raspolagao za kupovinu nekretnina i to: Građevinsko zemljište na adresi ... 71350 Sokolac, prema listu nepokretnosti broj ... Sokolac, označenu kao Poslovna/privredna (radionice), udio u vlasništvu 1/1, KO i KČ Sokolac ..., ukupne površine 1432 m², vlasništvo Ognjena Orašanina, na osnovu Kupoprodajnog ugovora broj ... zaključenog dana ... 2022. godine, procijenjene vrijednosti od 274.594,09 KM, Zemljište na adresi ..., 71350 Ravna Romanija, prema listu nepokretnosti broj ... KO Romanija, označenu kao Polje, ... klase, broj parcele ..., podbroj parcele 1, udio u vlasništvu 1/2, KO i KČ Romanija ..., ukupne površine 3974 m², susvojina Ognjena Orašanina, na osnovu Kupoprodajnog ugovora broj ... zaključenog dana ... 2022. godine, procijenjene vrijednosti od 4.731,84 KM, Zemljište na adresi ..., 71350 Ravna Romanija, prema listu nepokretnosti broj ... KO Romanija, označenu kao Ostalo - Ljeljen Brdo, Livada 6. klase, broj parcele ..., podbroj parcele 7 ukupne površine 126752 m², susvojina Ognjena Orašanina, na osnovu Kupoprodajnog ugovora broj ... zaključenog dana ... 2022. godine, procijenjene vrijednosti od 15.092.12 KM, Zemljište na adresi ..., 71350 Sokolac, prema listu nepokretnosti broj ... KO Sokolac, označenu kao Urbano zemljište u gradu - Polje, Livada 3. klase, broj parcele ..., podbroj parcele 12, udio u vlasništvu 1/2, KO i KČ Sokolac ..., ukupne površine 2842 m², susvojina Ognjena Orašanina, na osnovu Kupoprodajnog ugovora broj OPU ... od ... 2022. godine, procijenjene vrijednosti od 40.285,35 KM, Poslovni objekat u privredi na adresi ..., 71350 Sokolac, prema listu nepokretnosti broj ... KO Sokolac, označeno kao Mljekara, broj parcele ..., pod ..., udio u vlasništvu 1/1, ukupne površine 240 m², vlasništvo Ognjena Orašanina, Osnov sticanja Rješenje Osnovnog suda u Sokocu broj ... od ... 2021. i ... 2022. godine, procijenjene vrijednosti od 49.677,00 KM, Zemljište zvano „Pašnjak kod kasarne“, prema listu nepokretnosti broj ... KO Zelengora, općina Kalinovik, označena kao Pašnjak

kod kasarne, Pašnjak 3. klase, blok parcele 1, broj parcele ..., udio u vlasništvu 1/1, ukupne površine 258 m², vlasništvo Ognjena Orašanina, na osnovu Kupoprodajnog ugovora broj OPU: ... od ...2022. godine, procijenjene vrijednosti od 14.488,00 KM, Stan na adresi ... 71350 Sokolac, označenu kao Stanovanje (stan, jedinica u zgradi), KO i KČ Sokolac ..., udio u vlasništvu 1/1 ukupne površine 202 m², vlasništvo Ognjena Orašanina, datum sticanja nekretnine prema pregledu PFRN prijava je ... 2019. godine, procijenjene vrijednosti od 172.912,00 KM, Garažu na adresi ..., 71350 Sokolac, označenu kao Garaža, KO i KČ Sokolac 1217/6, udio u vlasništvu 1/1, ukupne površine 52 m², vlasništvo Ognjena Orašanina, datum sticanja nekretnine prema pregledu PFRN prijava je ... 2019. godine, procijenjene vrijednosti od 18.666,44 KM, Poslovni prostor na adresi ..., 71350 Sokolac, označenu kao Poslovna/privredna (ostalo ili mješovito), KO i KČ Sokolac ..., udio u vlasništvu 1/1, ukupne površine 116 m², vlasništvo Ognjena Orašanina, datum sticanja nekretnine prema pregledu PFRN prijava je ... 2019. godine, procijenjene vrijednosti od 132.555,52 KM, kao i pokretnine i to Putnički automobil (blindirani) marke „Jaguar Souvering“, registarskih oznaka ..., broj šasije ..., 1999. godina proizvodnje, vlasništvo lica „(...)“, prema evidenciji IDDEEA vrijednost vozila iznosi 8.000,00 KM, dok tržišna vrijednost blindiranja putničkog automobila srednjeg nivoa bezbjednosti kreće se oko 100.000,00 KM i putnički automobil marke „BMW X6 XDRIIVE 30D“, registarskih oznaka ..., broj šasije ..., 2021. godina proizvodnje, a na osnovu kupoprodajnog ugovora vrijednost vozila iznosi 216.177,70 KM vlasništvo „(...)“, kao i novac u iznosu od 124.056,44 KM kod na računu otvorenim kod ... Banja Luka broj ... sa Ugovorom o otvaranju i vođenju transakcionog računa i pružanju usluga broj ..., zaključenog dana ... 2018. godine.

4. Orašarin Ognjen - sam

Dana ... 2026. godine, u jutarnjim satima, na području općine Sokolac, pribavio lažnu ispravu, nalaz i mišljenje izdat od strane JZU Dom zdravlja ... Sokolac, koju je lažnu ispravu potom upotrijebio kao pravu na način da je istu putem svoga branioca „(...)“, advokata iz Sarajeva u 11:25 sati, dana ... 2026. godine poslao na e-mail adresu Tužilaštva Bosne i Hercegovine, svjestan da je navedena isprava nalaz i mišljenje izdat od strane JZU Dom zdravlja ... Sokolac lažna u namjeri da svojim radnjama spriječi obavljanje dokaznog postupka od strane Tužilaštva Bosne i Hercegovine, odnosno davanja iskaza u svojstvu osumnjičenog.

Dakle, Orašarin Ognjen organizirao i rukovodio Grupom za organizirani kriminal koja je zajedničkim djelovanjem neovlašteno vršila međunarodnu prodaju, prijenos, nudila na prodaju, radi prodaje kupovala, držala, prevozila i prenosila, posredovala u međunarodnoj prodaji i kupovini i na druge načine neovlašteno stavljala u međunarodni promet supstance koji su propisom proglašene opojnim drogama, te krio i pružio pomoć učiniocu krivičnog djela koje se goni po službenoj dužnosti i za koje je propisana kazna zatvora preko pet godina, te novac pribavljen izvršenjem krivičnih djela na opisani način stavljao u promet, držao i raspolagao ili na drugi način prikrio prirodu tako stečene imovine, kao i lažnu ispravu upotrebio kao pravu.

Čime je Orašanin Ognjen pod tačkom 1. Optužnice počinio krivično djelo „Organizirani kriminal“ iz člana 250. stav (3) Krivičnog zakona Bosne i Hercegovine u vezi sa krivičnim djelom „Neovlašteni promet opojnim drogama“ iz člana 195. stav (1) Krivičnog zakona BiH, pod tačkom 2. Optužnice počinio krivično djelo „Pomoć učiniocu poslije izvršenog krivičnog djela“ iz člana 333. stav (2) u vezi sa stavom (1) Krivičnog zakona Republike Srpske, pod tačkom 3. Optužnice krivično djelo „Pranje novca“ iz člana 209. stav (3) u vezi sa stavom (2) i stavom (1) Krivičnog zakona BiH i pod tačkom 4. Optužnice krivično djelo „Falsifikovanje isprave“ iz člana 347. stav (1) KZ RS, a sve u vezi sa članom 53. Krivičnog zakona BiH.

T U Ž I L A C
TUŽILAŠTVA BOSNE I HERCEGOVINE